

SANITÉ

Le dotur Eduard Agreiter é demez dai 21 cina ai 23 de merz y vëgn sostituì dala doturia Grete Mahlknecht 0474 523018 / 349 06 67 034.

La doturia Grete Mahlknecht é demez ai 24 y 25 de merz y vëgn sostituida dal dott. Vincenzo Santonocito, Al Plan 351 92 08 697.

SAN MARTIN Y LUNGIARÜ

Aziun dles Primules 2022: La Uniun dles Patrones dl Comun da San Martin de Tor organisèia la venüda de ciüfs da d'aisciöda por l'asoziazion Südtiroler Krebshilfe la sabeda sèra ai 02 d'aurì do mëssa y la domènia ai 03 d'aurì do la gran mëssa. I ciüfs vëgn venüs chisc 2 dis te düc 3 i paisc dl Comun da San Martin, dagnora dô mëssa.

SAN MARTIN

Tla injunta a chësta plata vëgnel publiché le decunt finanzia dl ann 2021.

Ince por l'ann 2022 Ves periunse dër bel da paié ite cina ala fin de merz le contribut por la cöra de 40,00 € por vigni porsona che á complí 18 agn (tuc fora studènc) söl cunt dla cöra: IT11J 08010 58830 000304004922. Dër bel dilan por Osta desponibilitè!

Siur Ploan a inom dl Consèi d'aministrazion

En recordanza dl defunt Otto Erlacher él gnü fat ofertes por la dljia da fam. Roland Rubatscher -Fornela, da Purgel Clara y dala fiocia Lucia y dala fam. Otilia Pedevilla.

Dal De de Oraziun dles Ères él gnü ite a San Martin la bela oferta de 337 € y te dōta la Val Badia 2.975 € por daidè d'atres ères en dificulté – dër bel dilan.

LUNGIARÜ

Sëgn de merz periunse vigni mercui do mëssa por la pesc dl monn tan al prigo por gauja dla vera danter la Ruscia y l'Ucraina. I periun por i governanc ch'ai se proes dassènn da apajé ia chësc conflit, por la popolaziun, dantadöt por les ères y i mituns che nen patèsc le plü y ince por i soldas te vera. Idî nes scinches n cör davert da to sō y da daidè la jënt che s'un sciampa y che é tomada tla meseria.

Uniun Ladins Val Badia: Presentaziun dl liber "Pulma descür n tesur" y intratignimènt por pici en vëndres, ai 25 de merz, tl salf dl Istitut Ladin a San Martin, dales 16.00, por n'ora alalungia. I posc é limitá. Prenotaziuns por e-mail: info@uniunladins.it. Al vel les normes d'azes cun super green pass.

L'Aziènda Museums Provinziai chir n/na afitadin/a por le bistro dl Museum Ladin Ciastel de Tor por i proscimi trè agn. Informaziuns ciafèise sòn la plata internet www.museumladin.it/la/novites.asp o por tel. 0474 524 062 (tö orar d'ofize). Domanda scritta cun düc i documènc é da mené cina ai 08.04.2022 dales 12.00 a ml.ml@pec.prov.bz.it.

Al vëgn ince chir por le Museum Ladin de Tor o por le Museum a San Ciascian n/a colauradú/dëssa pro la cassa por alplü 24 ores al'edema, 4° livel. Le contrat é a tēmp determiné dal 01.05. ai 31.10.22. *Ciarede plü avisa tl'ultima plata*



Plata dles Ploanies San Martin y Lungiarü

ploan siur Klaus Sottsas 344 15 54 055 - ksottsas@rolmail.net
curat siur Heinrich Perathoner 339 65 74 213
redaziun anton.gasser@rolmail.net - 348 27 44 517 / 0474 523 194



www.valbadiaonline.it/comunite

20.03. - 27.03.22 nr. 17

ultimo termo por comunicaziuns: jöbia, dales 20.00

3ª DOMÈNIA DE CARSÈMA - C

Vangele do Lūca 13,1-9

..... Minèise os, che mâ chi galilès sides stà picíadus deach'ara é sozedüda insciö imparà, y düc i atri galilès no? Nou, al contrar: i moriarèis avisa insciö, sc'i ne se convertiarèis nia.
Dailò àl dit a so vignadù: Sëgn vëgni bele trè agn alalungia a ciarè do sce chësc lëgn porta früc y i nen ciafi degügn lassura. Màzele ia!
Ciodî déssel pa ti tó inant la forza ala tera?
Le vignadù ti à respognü: Làscele ciámò impé chësc ann; i ô sapè sō la tera incèria y l'incultè.



Les parores y les cunties de Gejú ch'i aldiun o liun fora dla Sacra Scritōra ne podunse gonot nia tó da sores, despartides da döt l'ater, no les paraboles ch'i aldiun ion sciöche chëra dl "Fi pordü", no les parores manacioses dl vangele da incö. Ci impresciun de Dî essun pa da aldi ma le vangele da incö? Chëra de n Dî fissé sön le davagn, de n Dî cröde che n'á degöna comprenjiun por nostes deblèzes, che castièia vigni malfat. Insciö n'é Idî nia; Gejú nes al á cunté de Dî cun tröc ejèmpli. Mo ince la parabola dl "Fi pordü", dl pere paziènt che pardona y s'alegrèia por le fi che é gnü a ciasa ince sc'al á mazé ia dōta l'arpejun. Da aldi chë parabola ma da sora essun bëgn l'impresciun de n Dî massa saurì y bunac. Trames les perts alda pro Chël Bel Dî y trames messunse tó en conscideraziun. Les ultimes parores de chësc vangele nes dèida da vire te chësta tenjiun: Á forsc Chël Bel Dî ciámó paziènza l'ann che vëgn, sce le lëgn ne portará ciámó degügn früc? Al pó ester. - Sapiènt é chël che se proa atira da porté früc.

Val' d'ater: Tl vangele da incö aldiunse che la jënt se recordà de chi galilès che Pilato á fat copé tratan l'oferta, aladò che so sanch s'á moscedé cun chël di tiers. Al n'é de chi che minà: Sce chisc galilès á messü morì te na maniera tan crödia, messâl bëgn ester iadedò na colpa che se miritá n te castighe. - Rajonunse ince nos ciámó datrai insciö? Gejú é decuntra che desgrazies y catastrofes vëgnes odüdes sciöche castighi de Dî.

image

EDEMA	SAN MARTIN	LUNGIARÜ	De dla solidaritè - Domènia 20 de merz
20.03.22 3^a DOMÈNIA DE CARSEMA - C <i>Dé dla Solidaritè</i>	9.00 Corona por + Otto Erlacher 9.30 Gran Messa por la Comunità 2 ^a de sopoltöra de + Otto Erlacher a d'intenziun por l'aumènt dla fede, dla speranza y dla ciarité a d'intenz. en onur de Sant Ojöp Frein.. Oferta por ACLI-KVW	7.50 Les Staziuns ciantades dal Cor 8.15 Gran Mëssa por la Comunità Oferta por ACLI-KVW	La forma originala dla solidaritè é la desponibilitè da partì cun i atri. La solidaritè é la cherta d'identitè di cristians. La solidaritè sozed sön deplü livi: a nivel personal tl aiüt danter porsones, a nivel organisatif ti sorvisc caritatifs che vëgn pità da organizaziuns y associazziuns, a nivel politich, olach'al vëgn ciaré dl bëgn y dla iustizia sozjala de dōta la popolaziun. Y al é deplü sorts de solidaritè: La solidaritè por la creaziun é dantadöt n compit di stac a nivel mondial, mo al é ince n dovèi personal de vignun. Al ó ester na converjiun ecologica te nüsce rajonamënc y te nosta maniera de vire. La solidaritè por le bëgnester general vá a òna cun la prospetiva cristiana che ne mët nia itamez le "iö" mo le "nos"; ara nes inviëia da avalié fora les gran desfarënzies, daidè i debli, ti de poscibilités de vita a düc. Solidaritè tl'economia: Na economia che florësc n'ó nia dí ch'ara é ince iüsta. Nia le maiü profit ne podunse chirí, mo se dé da fá por na destribuziun iüsta di bëgns dla tera. Porté la solidaritè ite tla vita concreta dess ester n sforz de nos düc. I messun se dé da fá y svilupé na cultura dl'atenziun y dl aiüt, por che la responsabilitè y le fistide un por l'ater ne restes nia parores ötes mo devëntes operes concretes. <i>Diozeja Balsan Porsenú</i> L'oferta de chësta Domènia vá a ACLI-KVW
21.03.22 Lönesc <i>Christian, Benedèt, Milia</i>			
22.03.22 Dedolönesc <i>Lea, Clemens, Elmar</i>	18.15 inant: Confesciuns 19.00 Mëssa + Albert Trebo (dl ann) + Marino Clara, Ties		
23.03.22 Dedemesaledema <i>Turibio, Rebeca</i>	18.00 Les Staziuns	7.30 Mëssa dl ann ++ Frida y Ivo Sorà dl ann + Davide Dapoz dedô: Oraziun por la pesc	
24.03.22 Jöbia <i>Elia, Oscar Romero, Catarina</i>	7.30 Mëssa + + Edith y Paul Prousch + + Tone y Monica Tolpeit Corona por vocaziuns		
25.03.22 Vëndres Anunziaziun dl Signur	18.30 Adoraziun chîta 19.00 Adoraziun deboriada I recordun incö chësta festa dantadöt pro les Aimaries	7.30 Mëssa + Flavia Costa + Marino Clara, Ties I recordun incö chësta festa dantadöt pro les Aimaries	
26.03.22 Sabeda <i>Larissa (Lara), Tecla</i>	19.30 Mëssa prefestia fam.de Leo Crepaz 3 ^a de sopoltöra + Otto Erlacher + Clementina Detomaso Paraza	18.00 Mëssa prefestia + + Angela y Scebio Nagler + Iaco Mischi dl ann + Roslinda Deiaco dl ann + Sabine Deiaco Mischi	
27.03.22 4^a DOMÈNIA Laetare! DE CARSEMA - C Dé di Seminars	9.00 Corona por la pesc 9.30 Gran Messa por la Comunità + Maria Graffonara (dl ann) + + Moling de Gröpa + suor Maria Goretti, Cianacëi	7.50 Les Staziuns 8.15 Gran Mëssa por la Comunità + siur Sepl Clara	